



**Na discours na ye ya nsuka na ntina ya Etat ya Etuka, Gouverneur Mills  
abimisi Programme ya kosunga bato basomba biloko na ntalo ya kokoka, mpe  
alaki kobatela bato ya Maine liboso ya makambo mabe ya Administration  
Trump**

*Gouverneur Mills abimisi likanisi ya kopesa bacheque ya lisungi ya 300 \$, kotonga bandako mingi koleka, mpe kokoba na kelasi ya ofele na ba universite ya leta, mpe alobi na Administration Trump boye: "Soki bolingi kosala mabe na bato ya Maine, esengeli boleka naino likolo na ngai."*

**Augusta, MAINE** – Na discours na ye ya nsuka na ntina ya Etat ya Etuka ya Maine na butu ya lelo, Gouverneur Janet Mills alobi ete "atako tozali na mikakatano, nandisami ete etuka na biso ezali makasi."

Mpo na kotalela mpenza mikakatano yango, mpe mibeko ya Administration Trump oyo ezali kokomisa yango mabe koleka, Gouverneur abimisaki Programme ya kosunga bato basomba biloko na ntalo ya kokoka, oyo mokano na yango ezali kopesa lisungi ya mbongo na lombangu mpe stabilité ya nkita ya ntango molai na bato ya Maine.

"Moko ya mikakatano ya minene mpo na bato ebele lelo – ezala moto oyo auti kozwa diplome na universite, moboti oyo azali elenge, to mpe moto mokolo oyo azali na mosolo moke – ezali bomoi ya ntalo mingi," **elobi Gouverneur Janet Mills**. "Kobanda na makambo ya bokolongono, bandako mpe biloko ya ntina ya bomoi kino na ntalo ya motuka ya pickup, biloko ya kolia mpe nkisi ya kobikisa bomoi, ntalo eleki likolo – mpe bato ya Maine, lokola bamilio ya bato na ekolo mobimba, bazali komona mpasi na yango. Na butu ya lelo, napesi likanisi ete tosala likambo mpo na yango."

Programme ya Gouverneur mpo na kosala ete bato basomba biloko na ntalo ya kokoka esangisi: 1) kopesa bacheque ya lisungi ya 300 \$ na bato 725 000 ya Maine mpo na kopesa bango mwa bopemi na makambo ya mosolo, lolenge moko na ndenge bacheque ya lisungi oyo Administration na ye esilaki ekabolaki liboso; 2) mwango ya bandako babengi "Ndoto ya Amerika" ya milio 70 \$ mpo na kotonga bandako ya ntalo malamau mpo na bato mingi ya Maine mpe kokitisa bantalo oyo eleki likolo ya bandako, mpe; 3) kosala ete programme na ye ya kelasi ya ofele na université mpo na bato nyonso, oyo eyebani na ekolo mobimba, ekoma programme ya libela mpo na kondimisama ete mosolo ya kokota na misala ya lifuti malamau na Maine ekomataka lisusu te mpo na bilenge oyo balukaka kokende na kelasi ya likolo.

Bansango mingi na ntina ya Programme ya Gouverneur mpo na kokitisa ntalo etiamawa (PDF).

**Kobatela bato ya Maine liboso ya makambo mabe ya Administration Trump**

Na discours na ye, Gouverneur alobelaki mpe koya ya bapolisi ebele ya Gouvernement Fédéral na Maine, mpe azongelaki maloba ete Maine ekobanga te mpe ekokanga monoko te.

"Mpe, na moto nyonso oyo azali libanda ya bisika oyo, ata mpe bakonzi nyonso ya Gouvernement Fédéral," **Gouverneur alobaki**, "soki bolingi kosala mabe na bato ya Maine, esengeli boleka naino likolo na ngai."

Gouverneur abimisaki likebisi makasi mpo na lobi ya Demokrasi, na kolobaka ete tozali "na eleko ya likama na lisapo ya mboka na biso – eleko oyo wapi likanisi mpenza ya Amerika ezali na likama" mpo ete Gouvernement fédéral ezali kosalela "nguya na yango ya monene mpo na kobangisa, kopesa bitumbu, mpe kokanga monoko ya baoyo bameki kolobela mabe to kotuna mituna na ntina na yango."

**Abakisaki:** "Mpo na baoyo bazali komitungisa te na misala mabe ya Gouvernement Federal lelo, nasengi na bino kaka bokanisa likambo oyo – nini ekosalema soki lobi Gouvernement Federal emoni ete *bino* nde bozali mokakatano?". "Ezali likambo ya lingomba ya politiki te. Ezali te likambo ya kotala soki ozali Démocrate, Républicain, to Indépendant. Ezali te likambo ya kotala soki ofandi

na etuka ya bleu, ya motane, to ya violet – na engumba monene, na banlieue, to na mboka moke ya kati. Ezali nde na ntina ya Mibeko ya Kozala Moto ya Amerika ya Margaret Chase Smith – ezali kolobela ntina mpenza ya Amerika mpe mobeko ya moboko ete awa bokonzi euti na bato, awa mobeko nde ekonzaka, awa moto nyonso azali ndenge moko liboso ya mobeko, mpe awa tozali na bankumu te."

Ata bongo, Gouverneur alobaki ete azali na elikya mpo ete "ntango ntongo emonanaka mosika mingi, monzoto moko engengaka na likolo na butu, mpe mpole na yango esalaka ete tokweya na molili te. Monzoto wana ya Nordi ekosungaka biso ntango nyonso mpo tozwa nzela ya kozonga na ndako. Mpe monzoto wana ya nordi ezali bato ya Maine."

Na discours na ye, lisusu, Gouverneur:

- **Asengaki lisalisi ya bokolongono ya ofele mpo na bato nyonso**, na kolobaka, "Mpe oyo sisteme ya bokolongono ya nzoto esengeli mpenza na mboka oyo, sikoyo, ezali te kotia bapansement ebele, esengeli nde lipaso ya monene. Etat moko na moko ekoki te, mpe esengeli te, etikala yango moko mpo na kobunda na likama oyo ya ekolo mobimba. Mpo ete bokolongono ezali lotomo ya moto. Ntango ekoki mpo Gouvernement Federal ebimisa motó na mabele mpe eluka kosilisa likambo ya crise ya bokolongono. Bobele sisteme ya bokolongono mpo na bato nyonso nde endimami."
- **Apesaki nsango ya likanisi ya kopekisa batelefone na kelasi**: "Toyebi ete baréseaux sociaux ekoki kobebisa boyekoli na kelasi mpe kobebisa kolongono ya makanisi ya bilenge. Yango wana, Yango wana, ntango ekoki ya kolongola batelefone na bakelasi na biso. Na butu ya lelo, napesi likanisi ete totia mobeko na etuka mobimba mpo na kopekisa kosalela telefone na kelasi – banda ngonga ya kokota kino ngonga ya kobima – mpo na kokitisa mbulungana ya makanisi mpe mobulu, mpe mpo makanisi ya bana etikala kaka na boyekoli. Ntango bakangolaka batelefone na bakelasi, bolukiluki emonisi ete mayele ya bayekoli emataka, bapoint na baekzame mpe emataka, bizaleli ekomaka malamumu, boyei na kelasi ebakisamaka, mpe boyokani kati na bana-kelasi mpe ebongwanaka."
- **Asengaki ete Maine ekoba koluka banzela ebele ya kozwa nguya ya lotiliki mpo na kokitisa ntalo ya kura**: "Oyo Maine esengeli kosala ezali kokoba koluka banzela ya kozwa lotiliki na koyambaka mingi **énergie ya peto na kati ya rezo mpo tosalelaka gaz naturel mingi te**. Yango wana tozali kosomba mingi koleka énergie ya peto oyo ezali ntalo malamumu, lokola nguya ya mopepe mpe ya moi awa na Maine, mpe nguya ya mai uta na Canada, ntango tozali koluka mpe lolenge ya kobomba nguya. Na ntango moko wana, Efficiency Maine Trust mpe departema na ngai ya énergie bakopesa bamilio ya badolare lokola matabisi soki basombi bachauffe-eau oyo esalelaka kura mingi te, mpe bamasini ya kobongisa molunge, mpe mpo na misala ya kobatela ndako na malili mpe misala misusu ya kobongisa ndenge ya kosalela énergie -- mpo, na nsuka ya manso, dolare oyo ebombami malamumu koleka na kura ezali oyo esalelami te."

Budget ya kobakisa ya Gouverneur, oyo ekomatisa mpako te, ekobima na kati ya bamposo oyo ezali koya.

Longola makanisi oyo atalisi na butu ya lelo, Gouverneur alobi ete budget oyo ekobakisama ekopesa mbongo mpo na [kobongisa makambo ya libateli na babisi ya bana-kelasi ya Maine](#), nsima ya liwa ya nsomo ya bana mibale ya Maine na mobu moleki; mbongo mpo na bato oyo basalaka na misala ya kolongono ya kobotela na Maine, nsima ya bokati monene ya misolo oyo Administration Trump esalaki; [mpe mbongo mpo na kosalela](#) mobeko ya Red Flag oyo bato ya Maine bandimaki na sanza ya novembre 2025.